

德平縣志

重修德平縣志序



今之德平古之般高方六七十
中有九河故道每遇夏秋霖雨
氾濫為患土瘠民貧風俗橫野
予自庚寅承乏於茲時飛

序

北來弘夫塞野一夕疾風驅
若有神力明年大水匍匐救之
聖天子愛養黎元無所不至蠲正賦
免積逋振貧窮贍乏絕令秩雖
卑壹是皆以仰承

德意不忍累吾民會支脉溝淤淺檄
往脩濬分土二萬五千餘方計
值三千二百餘金相距又五六
百里予乃傾廉俸為之父老子
弟若不知有此事也今者

序

上天降康時和年豐天札痲癘之不作
邑諸生進而請曰舊志溥濫蓋
修諸自慙固陋兼簿書期會無
暇日網羅散軼手自纂錄踰年
始歲事訖者正之疑者闕之無

私意無滋詞知我罪我其在斯
乎若夫因是志以考何利之當
興何禁之當平德之何以歸於
厚化之何以格於頑則先賢專
有言之矣如其禮樂以俟君


言

三

大清乾隆三十有八年歲次癸巳

夏文林郎知德平縣事長與

太琴撰



予始視篆德平每詢故考變病文獻之罔徵也則嘆曰志
可以弗修乎時邑事旁午未遑也及將報政乃徵校師士
採摭具稿稿呈而予泰簡書內補然心歎焉未始一日忘
也比因駟務少暇檢故笥得前錄思未卒業卽剛修付諸
梓人補闕典也夫德平之爲邑舊矣地以名別名以時異
上徵星野下稽往牒而沿革之跡昭矣故首志建置禹迹
九州表名山大川是疆域之辨也可無書乎故次志山川
鄉鎮民攸止也撫之則聚虐之則散而登耗於是乎稿故
志鄉鎮王公設險以守國城池其大者也堅瑕葺毀斯守

舊序

土之重務也故志城池土殖物以爲民資而或誅求於土
之所無至竭澤以漁焉是資民者適以厲民粟米力役賦
於戶口頃流徙日衆豈兩稅有弗平耶均司牧者所當念
也故志土產志戶口風鼓於上俗沿於下雖叔世習尚滋
漓然猶有齊魯之遺休焉變而之道易易耳故志風俗官
之有解咸需民財力以構之也厚下安宅其惻民之艱而
言其基乎故志公署學校書院士所羣聚講業而出以植
國者也師不失所教弟子不失所學庶無負修舉之意耶
故志學校志書院典祀兆守有域禮之大經非無文之秩
也歲時當慎於潔備乎故志壇壝郵傳古侯遺懷方之制

而弊滋於冒濫民疲於奔命當路者其審裁節之至
效志郵傳禮有其舉之莫敢廢也矧廟貌而尸祝之者
有功於民者也可勿錄乎故志祠廟釋老之宮徧海內歷
唐宋迄今豪傑起而排之者不少矣乃卒無損於其盛豈
二教淪浹肌膚而推以虛元勝其教亦足以使人清
心寡欲以基天下之治故志寺觀述舟爲梁著於詩而扛
摧綺約雜覓子史君子於此可以觀政矣故志橋梁弔古
興上世之思墟墓式過客之車是人心之不可泯也故志
古蹟志塚墓鳴珂碎鉞所以昭賢表遇崇功保庸所以勵
世善也或作之也故志釋坊志功賞設官分職自有

邑以來其姓字埋沒不傳者多矣而炳焉特著必其政理
之可述也故志職官志名宦國朝以科貢爲正途而出於
科者類躋崇黜貢則鮮有顯赫亦其勢然耳故志科目志
庶貢史籍旣邈姿媚日新邑之擬跡歐顏者雖曳矣故志
中書源深流遠棧沃末茂影響之理也觀天寵推馳之隆
者其思深源而沃根乎故志封孝義貞節民之紀也每
懼夫輿論之弗益或作之論定於學校則公矣公而不載何
以樹風故志孝義或作之正平或作之爲眾所瞻
一書或作之不數人或作之故志人物
夫志以紀事

統志之例舍是無錄者矣。故詩文不專志天道，道人道，禱災祥非所急也。而要之天人之際微矣。故志災祥終焉。

又

明知縣 王 霖 霖

德平舊有志歲久漶漫闕逸不足觀矣。霖也執般鬲之符，數欲修輯而朱墨紛厝議未遑也。迨乙巳夏乃始延諸髦士各據所見設局分曹蒐羅舊籍採掇新事目稽而類編之數閱月而彙集成帙遂將付之梓人已而深思之志當閱世無以率簡殺青乎不佞再讀而庚考之取材於衆稽斷於獨芟浮汰冗訂舛正訛寧畧弗備弗敢誣也。寧朴弗華弗敢溢也。弗阿弗襲罔敢弗慎焉。越明年丙午迄一週。

舊序

三

而告成僉謂不佞宜有序以紀歲月示來禩不佞乃爲之曰志史之遺也。周禮小史掌邦國之志自昔重之寧以文勝侈篇牒之富韓子曰巧匠目意中繩必以規矩爲度上知捷舉中事必以先王之法爲比治大治小太上因之耳。古今異俗新故異備總之不離民情者近是其情之所安於已然者法也吾順其所不得不然者法法也民不愛其情官不易其法不然者萬人異心以聽一人之用是最下者與之爭而昏昏多事矣。百里風物萬家情態具在志中雖弗備則事已核矣。雖弗飾則質未漓矣。弗敢弗慎則直而不阿考信有據矣。紀其事傳其信同民出治志之意在

斯乎或曰時移物換法令更張若然將膠柱守枥乎不佞曰否否諺曰爲政猶沐也雖有棄髮必爲之愛愛棄髮之費而忘長髮之利又不知權矣去好去惡貴順民也去太去甚以維法也一邑之實錄在是異日者循而酌之寧飭於官勿增法於民後之君子當饒爲之不佞固未逮也

又

國朝知縣

戴王縉

余自康熙己酉來尹鬲閱四歲

聖天子混一區宇宏

敷文教俞輔臣請爰有修志之命或曰存一代掌故昭示來茲也余曰唯唯否否

今上厲精圖治僅欲周知八

方之風俗乎抑借以察吏安民也慨夫吏治不古若其鼎

舊序

日

鼎講求者繭絲焉耳皇皇救過者刁斗筐篋焉耳簿書煩猥稍稱職輒自矜曰吾掇之若承蠅而奏之無全牛也及問城隍沿革則不知問人才興廢則不知問物力豐耗則不知問利弊興革求所以移風而易俗者且驚爲河漢也嗟乎是將裂錦覆車之不暇何以下答吾民而上報

天子乎余用是怵怵懼矣且余之懼與他宰異鬲近畿輔咫尺天顏非遐陬僻壤比職則璽書褒美且旦夕至不職則譴謫罪罰亦且旦夕至也敢不懼南接聖居敬事後食之訓炳若日星章而習之壯而行之近守屬邑羹牆如見求其不負所學者幾何也敢不懼抑有進焉者余於

人也。隔距滄不二百里。兩人有謳吟者。我二人聞之。則愉。隔人有呻吟者。我二人聞之。則悲。我二人方以不肖之觀。於二人者。代高人籌其所覲。於不肖者。併以二人應。不肖之求者。代不肖籌其所以應。高人之求者。夙夜拮据。思以保赤。當承歡。故與一利。如進滄髓。除一害。如効抑搔。筴精針。解挫之播。之迷。陽卻曲。則勞人之治譜。乃遊子之心版也。此又不肖之所大懼。敢與向之守茲土者。同日語哉。自承之後。每欲採風蒐謠。續貂舊乘。今遵令修志。敢弗恪共。以竣廼事。爰準昔酌。今補闕訂訛。如營室然。治爾棟采。爾椽毋爽於度。如製錦然。布爾經修。爾緯毋亂於理。工成高。

人士手一編。舉夫百里形勝。若城隍之沿革。人才之興。物力之豐耗。與夫利弊之興除。風俗之移易者。咸較若列眉所爲。勞人之治譜。以上報我天子而下答我庶民。者在是。所爲遊子之心版。以仰慰我二人者。亦在是。然余所以無忝厥心。以不負所學者。果何如也。用撫是編而益滋懼矣。夫亦曰。掌故僅存。以俟後之君子。因文以勵行。庶幾永蔭我高人。勿替云爾。因序之以當前驅。

圖考


縣境圖

縣城圖


縣治圖

文廟圖

河道圖



縣治圖



演武廳




五皇廟



城隍廟



善濟堂



典史宅



城隍廟

龍泉寺



火神廟



馬神廟



衣衾巷



甘霖泉

特別廟




社稷壇




六十圖

三




文廟圖



縣圖

東至樂陵縣十九里


河道圖



示

示

五



一志書在於徵實因革損益隨乎其時昔之所有或爲今之所無秉筆者往往駭議前人以矜博瞻似失敦厚之意自慚固陋有所不敢

一區別門類便觀覽也既恐繁蕪亦嫌挂漏今門類有合并者則於分注載之俾可參互考證事增文省或庶幾焉

一建置職官選舉以次而敘無異計帳竊倣史記作表以時代爲經名目爲緯間存梗概其如宦績人物之章章者別爲立傳以示闡揚

一是非久而論定志之與史體微不同書其美不書其惡故其人現存樂不具論

一選舉詳列正途其有例仕者亦備載至於捐職貢監未登仕版樂置不錄

一首列星野欽若之義他如其事有關政治其說是備掌故並樂括於雜記中

一藝文先邑人著述其疏記詩賦之類必事錄本縣兼其言尤雅者然後載之

一載志修於康熙癸丑中載壽沈邑侯詩文議者以此醜載其証實甚蓋沈卽諱志述者蒞任在戴君後乃

後人增入耳於戴君乎何尤今番決擇頗費苦心竊
願後之君子勿復貪多附益致貽笑訕

一自康熙癸丑至今百有餘年舊聞放失採取為難邑
人朱履慶暨其從孫傳纂有德平縣文獻彙畧一書
考據詳博惠我實多其功不可沒云

長興錢大琴謹識